

Komisija za vrijednosne papire Federacije Bosne i Hercegovine na osnovu člana 41. stav 1. Zakona o tržištu vrijednosnih papira ("Službene novine Federacije BiH", 85/08, 109/12, 86/15 i 25/17), člana 10. i 11. a u vezi sa članom 12. Zakona o Komisiji za vrijednosne papire („Službene novine Federacije BiH“, 39/98, 36/99, 33/04, 92/13 i 6/17), člana 9. Pravilnika o emisiji vrijednosnih papira („Službene novine Federacije BiH“, 18/09, 18/10, 112/12 i 103/14) i člana 15. Pravilnika o načinu upisa i vođenja registra emitenata vrijednosnih papira kod Komisije za vrijednosne papire Federacije BiH ("Službene novine Federacije BiH", 49/99, 4/05, 18/08, 8/09), rješavajući po zahtjevu Mikro kreditno društvo "PARTNER" društvo sa ograničenom odgovornošću Tuzla u predmetu upisa u Registar emitenata vrijednosnih papira kod Komisije (u daljnjem tekstu: Registar emitenata) i odobrenja emisije zelenih obveznica javnom ponudom putem Sarajevske berze-burze vrijednosnih papira d.d. Sarajevo, na svojoj 191. sjednici održanoj 23.10.2025. godine donosi

R J E Š E N J E

1. U Registar emitenata upisuje se emitent Mikro kreditno društvo "PARTNER" društvo sa ograničenom odgovornošću Tuzla, sa sjedištem u Tuzli, ul. 15. maja bb, kojeg zastupa Sijerčić Edisa, direktor društva.
2. U Registar emitenata upisuje se nadzorni odbor emitenta Mikro kreditno društvo "PARTNER" društvo sa ograničenom odgovornošću Tuzla, u sastavu: Mirzet Ribić, Albina Nuhić i Ivica Vasilj.
3. U Registar emitenata upisuje se osnovni kapital emitenta Mikro kreditno društvo "PARTNER" društvo sa ograničenom odgovornošću Tuzla u iznosu od 31.533.782,46 KM.
4. Odobrava se prva emisija zelenih obveznica javnom ponudom putem berze emitentu Mikro kreditno društvo "PARTNER" društvo sa ograničenom odgovornošću Tuzla.
5. Podaci o vrijednosnim papirima koji su predmet emisije – obveznicama:
 - Nominalna vrijednost ukupne emisije iznosi: 1.500.000,00 KM;
 - Nominalna vrijednost obveznice: 100,00 KM;
 - Broj obveznica: 15.000 obveznica;
 - Prodajna cijena obveznica: po metodu preovlađujuće cijene s početnom cijenom od 100,00 KM;
 - Obveznice dospijevaju u roku od 2 godine, s tim da će se isplata kamate vršiti polugodišnje dok će isplata glavnice biti izvršena jednokratno, po dospijeću.
 - Obveznice nose prinos na glavicu po fiksnoj kamatnoj stopi od 4,00% godišnje.
6. Podaci o emisiji:
 - Upis i uplata vrši se u periodu od 12.11.2025. do 26.11.2025. godine;
 - Uspješnost emisije: upis i uplata najmanje 60% ukupnog broja ponuđenih vrijednosnih papira.
7. Berza putem koje će biti vršena predmetna emisija je Sarajevska berza-burza vrijednosnih papira d.d. Sarajevo.
8. Banka depozitar u emisiji je UniCredit Bank d.d.

9. Banka depozitar iz tačke 8. dispozitiva ovog rješenja je dužna Komisiji i emitentu dostaviti pismeni izvještaj o broju upisanih i uplaćenih vrijednosnih papira, shodno članu 40. stav 2. Zakona o tržištu vrijednosnih papira.
10. Registar listovi broj 2-1 i 2-2 nalaze se uz ovo Rješenje i čine njegov sastavni dio.
11. Registar broj upisa: 01-802-7896

Obrazloženje

Komisiji za vrijednosne papire Federacije BiH se dana 10.09.2025. godine obratilo Mikrokreditno društvo "PARTNER" društvo sa ograničenom odgovornošću Tuzla zahtjevom za odobrenje emisije obveznica javnom ponudom putem berze. Uz zahtjev je dostavljena slijedeća dokumentacija: prijava za upis u Registar emitenata; Ugovor o obavljanju poslova depozitara u emisiji obveznica javnom ponudom putem berze i otvaranju namjenskog računa zaključen sa UniCredit Bank d.d. dana 05.09.2025. godine; Odluka o prvoj emisiji zelenih obveznica javnom ponudom putem Sarajevske berze-burze vrijednosnih papira broj: 01-10-1/25 od 25.08.2025. godine; Zapisnik sa osnivačke skupštine Mikrokreditnog društva "PARTNER" društvo sa ograničenom odgovornošću Tuzla broj: 01-5-1/23 od 10.01.2023. godine; Zapisnik sa 7. vanredne skupštine Mikrokreditnog društva "PARTNER" društvo sa ograničenom odgovornošću Tuzla broj: 01-11-1/25 od 25.08.2025. godine; Odluka o imenovanju Nadzornog odbora od 12.01.2023. godine; Prospekt prve emisije zelenih obveznica iz augusta mjeseca 2025. Godine (potpisan od strane svih članova nadzornog odbora i uprave društva); Statut Mikrokreditnog društva "PARTNER" društvo sa ograničenom odgovornošću Tuzla (prečišćeni tekst) broj: 01-15-3/24 od 22.08.2024. godine; Aktuelni izvod iz sudskog registra Općinskog suda u Tuzli od 22.08.2025. godine; Godišnji izvještaj Mikrokreditnog društva "PARTNER" društvo sa ograničenom odgovornošću Tuzla za godinu koja je završila 31. decembra 2024. godine; Izvještaj nezavisnog revizora "Ernst & Young" d.o.o. Sarajevo o reviziji finansijskih izvještaja "Partner" MKD d.o.o. za 2024. godinu; dokaz o uplati naknade Komisiji. Naknadno je, dana 16.09.2025. godine dostavljan Ugovor o vršenju poslova registriranja, čuvanja i održavanja podataka o vrijednosnim papirima zaključen sa Registrom vrijednosnih papira u Federaciji BiH d.d. Sarajevo dana 12.09.2025. godine.

Iz dostavljene dokumentacije proizlazi da je Skupština Mikrokreditnog društva "PARTNER" društvo sa ograničenom odgovornošću Tuzla na svojoj 7. vanrednoj sjednici održanoj 25.08.2025. godine donijela Odluku o prvoj emisiji zelenih obveznica javnom ponudom putem Sarajevske berze-burze vrijednosnih papira. Na skupštini je bio zastupljen jedini udjeličar društva, što znači da je odluka donesena sa 100% prava glasa.

Shodno navedenoj odluci i dostavljenom Prospektu, društvo emituje ukupno 15.000 obveznica, nominalne vrijednosti 100,00 KM, odnosno ukupna vrijednost emisije iznosi 1.500.000,00 KM. Obveznice dospijevaju u roku od 2 godine i nose prinos na glavicu po fiksnoj kamatnoj stopi od 4,00% godišnje, s tim da će se isplata kamate vršiti polugodišnje dok će isplata glavnice biti izvršena jednokratno, po dospjeću.

Upis i uplata obveznica će trajati u periodu od 12.11.2025. do 26.11.2025. godine i vrši se kod profesionalnih posrednika davanjem naloga za kupovinu. Izvršenim upisom smatra se unošenje naloga u berzanski sistem trgovanja ukoliko sistem primi takav nalog. Prodajni nalog će biti unesen po nominalnoj vrijednosti odnosno po cijeni od 100,00 KM. Prodajna cijena obveznice će biti utvrđena na berzi, metodom preovlađujuće cijene.

Emisija se smatra uspjelom upisom i uplatom najmanje 60% ukupnog broja ponuđenih vrijednosnih papira, odnosno upisom i uplatom najmanje 9.000 obveznica. Banka depozitar u emisiji je UniCredit Bank d.d..

Društvo se zadužuje emisijom obveznica radi obezbjeđenja finansijskih sredstava za redovno poslovanje, tako što će se sva prikupljena sredstva usmjeriti na odobravanje mikrokredita namijenjenih za finansiranje mjera kojima se postiže ušteda primarne energije i/ili smanjenje emisije CO2. Zelena obveznica instrument je s fiksnim prinosom osmišljen za potporu klimatskim ili ekološkim projektima.

Osnovni kapital emitenta iznosi 31.533.782,46 KM i sastoji se od kapitala u novcu od 10.000.000,00 KM, kapitala u pravima od 19.599.620,46 KM i kapitala u stvarima od 1.934.162,00 KM. Ukupni kapital na dan 31.12.2024. godine iznosi 30.259.901,00 KM. Za period od 27. januara do 31. decembra 2023. godine, "Partner" MKD d.o.o. je ostvarilo gubitak u iznosu od 888.126 KM, dok je u 2024. godini društvo poslovalo sa dobitkom u iznosu od 1.156.547 KM.

Budući da se u ovom postupku istovremeno odlučuje i o upisu društva u Registar emitenata, na osnovu odluka o imenovanju nadzornog odbora sa skupštine društva od 12.01.2023. godine, izvršen je upis nadzornog odbora u sastavu Mirzet Ribić, Albina Nuhić i Ivica Vasilj, te upis osnovnog kapitala u iznosu od 31.533.782,46 KM.

Na osnovu Aktuelnog izvoda iz sudskog registra Općinskog suda u Tuzli od 22.08.2025. godine, Edisa Sijerčić je upisana na mjesto direktora, a Nedžad Ibrahimović i Edin Salkić su upisani na mjesto izvršnih direktora društva.

Imajući u vidu da su ispunjeni uvjeti za odobrenje emisije propisani odredbama člana 24., 25., 26. i 29. Zakona o tržištu vrijednosnih papira, kao i odredbama Pravilnika o emisiji vrijednosnih papira, Komisija je odlučila kao u dispozitivu.

Komisija za vrijednosne papire Federacije Bosne i Hercegovine je odobrila emisiju obveznica javnom ponudom putem berze na osnovu zahtjeva i dostavljene dokumentacije koja je u skladu sa Zakonom o tržištu vrijednosnih papira i drugim propisima, posebno imajući u vidu da prospekt sadrži sve elemente propisane članom 32. i 34. Zakona o tržištu vrijednosnih papira i općim aktima Komisije.

Komisija ne odgovara za istinitost podataka koji su bili osnov za donošenje rješenja kojim se odobrava predmetna emisija.

Pouka o pravnom lijeku:

Ovo rješenje je konačno u upravnom postupku i protiv njega nije dopuštena žalba, ali se može pokrenuti upravni spor. Upravni spor se pokreće tužbom kod Kantonalnog suda u Sarajevu u roku od 30 dana od dana prijema ovog rješenja.

Dostavljeno:

1. "Partner" MKD d.o.o., ul. 15. maja bb, Tuzla (x2);
2. UniCredit Bank d.d.;
3. Sarajevska berza - burza d.d. Sarajevo;
4. Registar vrijednosnih papira d.d. Sarajevo;
5. Evidencija;
6. Arhiva.



Predsjednik
Komisije za vrijednosne papire
Federacije Bosne i Hercegovine

Adnan Zukić
Adnan Zukić

Obrazac	2.
Prilog	1.

REGISTARSKI LIST

Podaci o članovima Nadzornog odbora i članovima Uprave

1. Firma/tvrtka:

Mikrokreditno društvo "PARTNER" društvo sa ograničenom odgovornošću Tuzla

2. Sjedište firme/tvrtke:

Ulica: Ul. 15. maja	br. bb
Grad – općina: Tuzla	Pošt. br.: 75000

3. Osoba koja zastupa društvo

Ime i prezime: Edisa Sijerčić	
Grad – općina: Tuzla	Pošt. Br. 75000

4. Nadzorni odbor

	Ime i prezime	Funkcija u Nadzornom odboru
1.	Mirzet Ribić	predsjednik
2.	Albina Nuhić	član
3.	Ivica Vasilj	član

Napomena: Mandat članovima nadzornog odbora traje do 12.01.2027. godine.

5. Članovi Uprave

	Ime i prezime	Funkcija u upravi
1.	Edisa Sijerčić	direktor
2.	Nedžad Ibrahimović	izvršni direktor
3.	Edin Salkić	izvršni direktor

Registarski broj promjene: 01-802-7896

Sarajevo, 23.10.2025. godine



Predsjednik
Komisije za vrijednosne papire
Federacije Bosne i Hercegovine
Adnan Zukić
Adnan Zukić

Obrazac	2.
Prilog	2.

REGISTARSKI LIST

Opći podaci o vrijednosnom papiru

1. Firma/tvrtka:

Mikrokreditno društvo "PARTNER" društvo sa ograničenom odgovornošću Tuzla

2. Sjedište firme:

Ulica: Ul. 15. maja

br. bb

Grad – općina: Tuzla

Pošt. br. 75000

3. Podaci o osnovnom kapitalu

	Osnovni kapital	Upisani	Uplaćeni
1.	U novcu	10.000.000,00 KM	10.000.000,00 KM
2.	U stvarima	1.934.162,00 KM	1.934.162,00 KM
3.	U pravima	19.599.620,46 KM	19.599.620,46 KM
4.	Ukupno	31.533.782,46 KM	31.533.782,46 KM

4. Vrsta vrijednosnog papira

4.1. Dionice

Dionice	A. Redovne (obične) dionice	B. Povlaštene (prioritetne) dionice	C. Dionice zaposlenih	D. Vlastite dionice
Serijski izdatih dionica				
Broj izdatih dionica				
Nominalna vrijednost				
Dionice su upisane				

4.2. Obveznice

Vrsta izdatih obveznica	Broj obveznica	Nominalna vrijednost	Stopa prinosa obveznica	Rok dospijeca	Prava iz obveznice

5. Ostalo

Registarski broj promjene: 01-802-7896
Sarajevo, 23.10.2025. godine



Predsjednik
Komisije za vrijednosne papire
Federacije Bosne i Hercegovine
Adnan Zukić
Adnan Zukić